

Na osnovu člana 66. stav 2. i člana 68. stav 3. Zakona o organizaciji organa uprave ("Službene novine Federacije BiH", broj 35/05), a u vezi sa članom 107. stav 4. i članom 181. stav 1. Zakona o vodama ("Službene novine Federacije BiH", broj 70/06), federalni ministar poljoprivrede, vodoprivrede i šumarstva donosi

## **INSTRUKCIJU**

### **O IZDAVANJU VODNIH AKATA ZA RADOVE KOJI SE IZVODE NA SANACIJI I ODRŽAVANJU VODOTOKA**

1. Za vadenje materijala iz vodotoka, u skladu sa odredbama člana 109. stav 1. tačka 5. Zakona o vodama, utvrđena je obaveza pribavljanja vodnog akta u smislu odredbi člana 63. Zakona o vodama ("Službene novine Federacije BiH", broj 70/06), bez obzira da li se radi o zasebnim aktivnostima ili aktivnostima vezanim za radove iz člana 81. tačka 1. istog zakona.
2. Za provođenje mjera aktivne odbrane od poplava iz člana 92. stav 2. Zakona o vodama nije potrebno pribavljanje vodnih akata, jer se ti radovi izvode na osnovu operativnog plana odbrane od poplava iz člana 17. Uredbe o vrstama i sadržaju planova zaštite od štetnog djelovanja voda ("Službene novine Federacije BiH", broj 26/09).
3. Za održavanje vodnih objekata iz člana 14. Zakona o vodama nije potrebno pribavljanje vodnih akata, jer se isto izvodi u skladu sa odredbama člana 20. Zakona o vodama.
4. Za radove iz člana 81. stav 1. tačka 2. Zakona o vodama (izuzev izvođenja zemljanih i sličnih radova na uređenju i održavanju obala) i radove iz člana 81. stav 1. tač. 3. i 4. Zakona o vodama nije potrebno pribavljanje vodnih akata.
5. Danom stupanja na snagu ove instrukcije prestaje važiti Instrukcija Federalnog ministarstva poljoprivrede, vodoprivrede i šumarstva broj 05-1-25-339-1/09 od 08.02.2010. godine.
6. Ova instrukcija stupa na snagu narednog dana od dana objavljivanja u "Službenim novinama Federacije BiH".

---

Broj 05-1-25-339-5/10  
Januar 2011. godine  
Sarajevo

---

Ministar  
Mr. sci. **Damir Ljubić**, s. r.